

Դու, իմ որդեակ, իմ աստուածական  
 Երկիւղ ընդ քեզ ինն աստիճան.  
 Սիրոյն յաւարտ գլուխ անգեան  
 Եւ ութներեկէն կաս կենդան:

- 70 Վեցերորդ. Եօթն ամսուն ծնեալն ապրի.  
 Եւ ութն չէ ապրելոց: Եւ այս բանիս վար-  
 ժապեան իմ ժողովողին բանիւն զիս ուսու-  
 ցանէ, թէ Տուր բաժին եւթանց այլ եւ ու-  
 թից. եւ տասն կատարեալ թիւ է. եւթն ան-  
 75 զամ տասն եւթանասուն է եւ ժամանակ մար-  
 դու եւթանասուն ամ է ըստ Դաւթայ: Եւ  
 այս է որ ասէ. Տուր բաժին եւթանց եւ այլ  
 ութից. զի թէ այսպէս է, նա պարտ է աշա-  
 կերտին զնալ յառաքինութենէ յառաքինու-  
 80 թիւն, որ կարողանայ յութիցն ապրիլ:

Ամսոց եւթեանց մանուկն ապրեալ,  
 Եւ ութամսեայ անտես վիժեալ.  
 Եւ թէ բաժին եւթից չառեալ  
 Ի յութներեկ խաւար քարչեալ:

- 85 Եւթներորդ. զի մայրն որ ծնանի, տղան  
 ի ներքոյ սկզբնական մեղաց է. նոյնպէս վար-  
 ժապեան իմ մինչ զասի գիրք չէր տուեալ ի  
 ձեռն իմ՝ չէի աշակերտ, այլ անուամբ միայն:

66 Երկուք A: — 73 Եւթեաց A Եւթնեաց B այլ  
 եւ չիք AB ի յութիցն AB: Ժող. ԺԱ. 2: —  
 76 Դաւթեայ AB: — 78 նայ AB յառաքինութենէ AB  
 յառաքինութիւն A չիք B: — 80 ութիցն AB: —  
 81 ամաց B մանուկ B: — 83 Եւթից չարեալ B: —  
 86 ներքու B: — 87 գիրք] չիք B: — 88 չէր B: